

ხ ე ლ შ ე კ რ უ ლ ე ბ ა № 3516
(საქონლის მიწოდებასა და მომსახურებაზე)

ქ. თბილისი

20 ოქტომბერი 2011წ.

შ.კ.ს. „თეგეტა მოტორსი“ – გენერალური დირექტორის გიორგი მშვილდაძის სახით, შემდგომში წოდებული „შემსრულებლად“ და ჩუმლაყის საჯარო სკოლა მისი დირექტორის ელენე ტატიაშვილის სახით, შემდგომში წოდებული „დამკვეთად“ შევთანხმდით შემდეგზე:

1. ხელშეკრულების საგანი

- 1.1. „შემსრულებელი“ იღებს ვალდებულებას ამ ხელშეკრულების პირობებით მიაწოდოს „დამკვეთს“ საქონელი და გაუწიოს მომსახურება.
- 1.2. საქონლის მიწოდება და მომსახურება განხორციელდება განაცხადის (შეტყობინების) საფუძველზე.

2. ხელშეკრულების ღირებულება

2.1. მიწოდებული საქონლის და გაწეული მომსახურების ღირებულების ზღვრული თანხა განისაზღვრება, მხარეთა სიტყვიერი შეთანხმების საფუძველზე, კონკრეტული მოთხოვნიდან გამომდინარე, ყოველი შესრულებული და მიწოდებული საქონლის ღირებულების მიხედვით, რომელიც დაფიქსირებული იქნება შესაბამის დ.ღ.-ს ანგარიშ-ფაქტურაში.

2.2. მიწოდებული საქონლის და გაწეული მომსახურების საერთო ღირებულება შეიცავს „შემსრულებლის“ ყველა ხარჯებს, მათ შორის საქონლის და მომსახურების ღირებულებას, აგრეთვე კანონმდებლობით დადგენილ ყველა გადასახადს, სახდელს, მოსაკრებელს, ბაჟს, მათ შორის დღგ-ს.

ასევე, მსუბუქი და ნახევრად სატვირთო (მიკროავტობუსები) საბურავების რეალიზაციის დროს, საქონლის სარეალიზაციო ფასი მოიცავს მისი მონტაჟისა და ბალანსირების ღირებულებას, გარდა ბრონირებული და რგოლებიანი დისკების მქონე ავტომობილებისა.

სატვირთო საბურავების სარეალიზაციო ფასი მოიცავს მისი მონტაჟის ღირებულებას, გარდა 20 დიუმიანი სატვირთო საბურავების, სასოფლო სამეურნეო და სპეც. ტექნიკის, დამტვირთველების საბურავებისა.

მსუბუქი ავტომობილების ალუმინის დისკების სარეალიზაციო ფასი მოიცავს უფასო მონტაჟისა და ბალანსირების ღირებულებას.

ძრავის ზეთის და ზეთის ფილტრის სარეალიზაციო ფასი მოიცავს მისი შეცვლის ღირებულებას.

აკუმულატორების სარეალიზაციო ფასი მოიცავს მისი მონტაჟის ღირებულებას, გარდა არასტანდარტული აკუმულატორებისა (აკუმულატორის მონტაჟი საბარგულში, სავარძლის ქვეშ), ასეთ შემთხვევაში აკუმულატორის მონტაჟის ღირებულება განისაზღვრება ინდივიდუალურად, გაწეული მომსახურების სირთულიდან გამომდინარე.

ავტოსერვისის ცენტრისათვის საჭირო დანადგარების სარეალიზაციო ფასი მოიცავს მისი მონტაჟის ღირებულებას, ფასში არ შედის მონტაჟისათვის საჭირო დამატებითი მომსახურების და მასალების ღირებულება.

3. ანგარიშსწორება

3.1. „დამკვეთი” იღებს ვალდებულებას გადაუხადოს „შემსრულებელს” მიწოდებული საქონლის და გაწეული მომსახურების ღირებულება, ყოველი გამოწერილი დ.ღ.გ.-ს ანგარიშფაქტურის საფუძველზე, ყოველი 10 (ათი) კალენდარული დღის ვადაში.

4. მხარეთა უფლება – მოვალეობები

4.1. „შემსრულებელი” იღებს ვალდებულებას უზრუნველყოს „დამკვეთისათვის” საქონლის მიწოდება/მომსახურება მიწოდების მომენტში არსებულ საცალო ფასებში.

4.2. „დამკვეთი” იღებს ვალდებულებას გადაუხადოს „შემსრულებელს” მიწოდებული საქონლისა და გაწეული მომსახურების საფასური, „დამკვეთის” მოთხოვნით შედგენილი, შესაბამისი მიღება–ჩაბარების აქტის და/ან ყოველი კონკრეტული გამოწერილი დ.ღ.გ.ს ანგარიშ–ფაქტურის საფუძველზე, ხელშეკრულების 3.1. პუნქტში მითითებულ ვადებში.

5. გარანტიები

5.1. „შემსრულებელი” გასცემს გარანტიას საქონელზე/მომსახურებაზე, რომლის ვადებიც დაფიქსირებული იქნება „დამკვეთის” მოთხოვნით შედგენილ მიღება–ჩაბარების აქტში.

5.2. თუ საგარანტიო პერიოდში აღმოჩნდება დეფექტები, „შემსრულებელი” ვალდებულია „დამკვეთისაგან” შეტყობინების მიღებიდან 3 კალენდარულ დღეში განიხილოს (დააკმაყოფილოს ან განაცხადოს მოტივირებული უარი) „დამკვეთის” შეტყობინება და გამოასწოროს დეფექტი.

6. საქონლის/მომსახურების მიღება – ჩაბარების წესი

6.1. საქონლის/მომსახურების მიღება დასტურდება დ.ღ.გ.-ს ანგარიშ–ფაქტურით. ასევე, „დამკვეთის” მოთხოვნის საფუძველზე, ორივე მხარის უფლებამოსილი წარმომადგენლების მიერ ხელმოწერილი მიღება–ჩაბარების აქტით, რომელიც ადასტურებს საქონლის/მომსახურების გადაცემას „შემსრულებლისაგან” „დამკვეთზე” და „დამკვეთის” მიერ მის მიღებას. მიღება–ჩაბარების აქტი უნდა გაფორმდეს, „დამკვეთის” მოთხოვნის საფუძველზე, მიწოდების/მომსახურების ფაქტიურად განხორციელებისთანავე.

7. ხარისხი

7.1. საქონელი/მომსახურება უნდა შეესაბამებოდეს საქართველოს კანონმდებლობით გათვალისწინებულ მოთხოვნებსა და სტანდარტებს.

8. უფლებების გადაცემა

8.1. „შემსრულებელს” არა აქვს უფლება, „დამკვეთის” წერილობითი თანხმობის გარეშე, მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება–მოვალეობანი.

9. ხელშეკრულების შეწყვეტა და მხარეთა პასუხისმგებლობა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

9.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.3. თითოეული მხარე ვალდებულია აუნაზღაუროს მეორე მხარეს წინამდებარე ხელშეკრულებით გათვალისწინებული ვალდებულებების შეუსრულებლობით ან არაჯეროვანი შესრულების შედეგად გამოწვეული ზიანი.

10. ფორს – მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი გახდა ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს 10 კალენდარული დღის ვადაში, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. სადაო საკითხების გადაწყვეტა

11.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი, არაოფიციალური მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2. თუ, ასეთი მოლაპარაკების დაწყებიდან 15 კალენდარული დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12. სხვა პირობები

12.1. ხელშეკრულება ძალაში შედის მხარეთა უფლებამოსილი წარმომადგენლების მიერ ხელმოწერისა და მოქმედებს 2011 წლის 30 ნოემბრის ჩათვლით.

12.2. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

12.3. ხელშეკრულება შედგენილია ქართულ ენაზე ორ ეგზემპლარად, რომელსაც გააჩნია თანაბარი იურიდიული ძალა.

13. მხარეთა რეკვიზიტები:

„შემსრულებელი“

„დამკვეთი“

შ.კ.ს. „თეგეტა მოტორსი“

ჩუმლაყის საჯარო სკოლა

საიდენტიფიკაციო კოდი: 202177205

ს/კ 227752161

ქ. თბილისი, აღმაშენებლის ქუჩაზე, 12 კმ #5
აუ - ბუ - სუ

გურჯაანის რაიონში / სოფ. ჩუმლაყი

ცენტრ. ფილიალი

ს/ს ლიბერთი განკუ

კოდი: 220101830. ანგ. № GE80TB0600000024467853

LBRTGE 34089454

იმუტოლი იურიდიკურადენება:

იმუტოლი:

ცეცხლის გენერატორი

იმუტოლი ეგელი

